



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

11. Aliæ ad vocationis spiritum obseruationes.

[urn:nbn:de:hbz:466:1-47032](#)

tionum & laborum ea genera selegisse, coniunctus & gubernationis eam formam descripsisse; ceteraque omnia ita temperasse, ut ad consequandum augendumque vocationis spiritum, hoc est perfectionem in illo vitae genere descriptam circumscriptramque, conspirent, cessantes urgeant, procedentes exerceant, perfecto que multa consolatione demulceant, numquam autem quietos esse patientur eos, qui sensus mundique illecebris adhuc capti, alienum a vocatione sua spiritum latenter fouent; sed tot spinis eorum circumsepiant vias, ita vnde conatus infringant, tot eos procellis susque deque veratura sint, donec euictio eiectione que qui venis insederat mundi veneno, purum & viuidum vocationis hauriant spiritum, hoc solo viuant, regantur & gaudeant.

Iam ergo quod initio volebamus, ope diuina confessum est, ut scopum tibi ob oculos positum habeas, quod tua omnis vita collimet, & in quem, prudenti virtutum, quasi sagittarum coniectu, intento cogitatu, directaque continui amoris linea pertingens, nusquam a decoro & perfecto aberres: sed eodem semper vocationis spiritu comite, duce, auspice tutus & latus, in eam virtutum arcem & consummationem transcendas, quod nullis, nisi admodum debilitatis, hostium incursibus peruenire valentibus, de summa nonnisi optimè sperare possis perseverantia. Quis enim vnuquam ab eo discesserit instituto, in quo plana & prona sunt omnia, cuius ardenter flagrante, vim genuinam possidet, tranquilla delectatione perficitur, desiderata perfectione ornatur? Magna proflus ista sunt, & quibusvis laboribus mercanda, votis exoptanda: & quoniam tanta sunt, facile persuadent, ut aliquantulum præterea immoremur.

C A P V T XI.

Aliæ ad vocationis spiritum observationes.

HVnc vocationis spiritum, vt & ipsam vocationem, sic à Deo dari diximus, ut eius primicias, radicem, & initia, nullâ nostrâ præcedente vel promrente actione laudabili, dare soleat: hoc autem ea conditione, ut donum illud, quasi pecuniam, multiplicato fenore reddamus, diligenterque vigoando, laborando, nitendo, in maius perfectionis augmentum perseveranter exornemus. Quare, cum otiosis, accepto incubare sit nefas, addo quæ ad roborandum illum spiritum plurimum conferant.

Ac primò quidem, cuiuspiam in eo vitæ genere præstantis, ac in primis institutoris, & quoniam de nostris agimus, B. Ignatij imitatio valet plurimum. Cum enim ab eo, veluti fonte & origine, tum institutum ipsum, tum reliqui de instituto omnes fluxerint, ab eoque spiritum hauserint, non prius, neque amplius in alios exundasse credendus est, quam ipse sibi abundarit: cumque

H

primus

primus luce divina collistratus, totius istiusmodi vitæ perfectissimam ideam, sua in membra aprè distributam, suis coagmentatam partibus, viribus instrutam, fini proposito accommodam, non mente sola, sed etiam descriptis usurpatisque legibus sit complexus, proculdubio, defixo in res tantas animo, tam multiplicia prouidente, tam ardua volente, mundoque & dæmoni renienti obluctante; aliter esse non potuit, quām vt is qui talis familie caput existet, totus exuberantia illius spiritus grauidaretur, illoq[ue] vsque adeò completeretur, vt eius fragrantissimum odorem quæcumque ab eo viro proficiscerentur exhalarent. Quare ipse mihi persuadeo, nihil minutum, otiosum nihil, nihil non obseruatu dignum, in institutoris Ignatij memoria esse, & ex eius cùm factis, tum dictis, non adumbratam quandam, sed expressam, suisq[ue] numeris omnibus perfectam, veri in Societeate Iesu Religiosi, imaginem esse deformatam, cuius ad normam quo propius accesseris, eo pariter perfectioni propior evuleris. Quod autem tibi, in eius instituto degenti, de illo dixi, idem alteri, aliud institutum amplexo, de alio institutore dictum cupio.

Verūm quæ sunt hominum, omittamus, vocationis tuæ gratiam, aut si maius spiritum, subtiliter inspectemus, eiusq[ue] partes, naturam, decora, & adiumenta signatè obseruemus, & exinde quid cuique præponendum, qua via & methodo sit aggrediendum iudicemus. Ut enim in homine quidam est insitus vitalis & nativus calor, cuius à conseruatione & vigore, tota hominis vita necessariò pender, eoq[ue] exstincto cetera emoriuntur omnia: ideoq[ue] illi conseruando prouidus naturæ artifex Deus cor, iecur, aliasq[ue] potissimas partes, vt proximè ministras adhibuit: his deinde, vel integumenta, ossa & carnem; vel subsidia, manus, pedes, sensus; vel ornamenta, cutem, colorem, pulcritudinem attexuit. Ita in hominis Religiosi, quasi fabrica, video mihi, vbi lateat spiritus ille vitalis, quo exstincto non nisi putidum Religiosi cadauer exhorreas: at verò dum vegetus est, suos habet nervos & venas, quibus vigorem in omnes muniorum partes diuidat; suas conseruandæ vitæ potissimas virtutes, vnde vegetetur; exercitationes varias, quibus roboretur, aut defensetur; ornatum item & decorum instituto consentaneum. Quod vt expressum ad tuum Societatis institutum contraham, dicam quod sentio, sic tamen vt in hoc meo sensu neutiquam abundare velim, cupiamq[ue] à quouis qui rectius & enucleatius senserit eruditri. Annon satius bene præautem séqui, quām malè præeundo in præcepsum pertinacem hanc ambitionem, Domine Deus meus, à seruorum tuorum cordibus procul amore.

Priman ergo vitæ nostræ spiritualis, institutique radicem statuo, sanctum D.N.Iesu Christiamorem, qui omnem alium sibi officientem amore in expellateo longius, quo perfectior & contentior fuerit; virtutes eriam, omnemque vitæ spiritualis consummationem eō copiosius infundat, quo se penitus in animi intima penetrarit: cùmque hic amor & admodum sit efficax & otiosus esse non

non poslit, hominem quem occupauerit, in aliquem certum, diuinæ de illo prædestinationi conguentem, affectionis modum fecit, & propriam quamdam lucem sic menti insinuat, vt iudicationibus, ad finem vitæ suscipienda consentaneum, tendentibus imbuatur. Sic videoas hunc D.N.Iesu Christiamorem eorum omnium quia ad Societatem Iesu diuina benignitate vocati fuerint, animos ita suis donis ornare, vt ex eo ad omnes instituti partes explendas expediti euadant: protinusque tria hæc, quibus huius institutivitatem fouetur, ex hoc amore Iesu pullulent, nempe obedientia nullo personarum, rerum, locorum, laborum discrimine summus amor: Secundum, crucis, hoc est contentionis, ignominiae, contradictionum, rerumque existimationi nostræ contrariarum, proque Christo Domino multa patiendi ingens desiderium: Tertium, honoris diuini apud omnes quam maxime promouendi zelus ardens, prudenti circumspetione firmatus. His tribus, quasi vitæ primariae, quasi spiritui principali fouento, augendo, decorando, cetera inserunt omnia. Quædam sunt, quasi vitales partes, quibus extinctis vitam spiritus emori necesse est, quales sunt castitas, paupertas, humilitas. Ossium instar sunt, magnanimitas, ardentitatis memoria, rerumque duriorum & difficiliorum crebra exercitatio. Venas & fibras, quibus ad membra, seu operationes varias permeat vis interna, representant sancta desideria, & sincera diuini honoris intentio. Multiplex in se ipsum disquerendi, & conscientiæ latebras vestigandi ratio, vicem sensuum bona prosequendum, mala explorantium explet. Statae & solennes variæ exercitationes Religioni propriæ, multitudinem membrorum vel motionum corporis referunt. Est retinendi, concoquendi, & alendi salutaris facultas, in oratione; noxia vero excernendi, in mortificatione. Mollitudinem carnis, qua duriorum ossium asperdo leniatur, fraternæ caritatis amicabilis lenitas, multaque Religionis oblectamenta præbent. Exornat denique, & gratissima pulchritudine, totam spiritus vitam perspergit modestia. atque ita rerum diversatum sancta conspiratione spiritualis hominis perfectio existit, tanto absolucioni, quo pauciora desunt, & vigent singula.

Istam tu mihi absolutionem mentis oculis aspic, proboque perspectam in tuam animam traducere contendere; sic tamen, ut in ea magis incumbas, è quibus ad reliqua manare vigorem oportet: non secùs atque in corporis humanaeque vitæ conseruatione, nihil quidem negligi, sed impari tamen sollicitudine multa solent prouideri. nemo prudens leuiculæ rediuiaæ, vel protuberantis extremo dígito vesiculæ causa, medicos accersiuit, pharmaca exhaustit; prudentius ista temporis sananda committuntur. at imprudenter ficeret, qui minimam in corde vulnerationem, non maximopere caueret. Quædam sunt in vita Religiosa minima, quæ licet negligenda numquam sint, leuiore tamen cura vel ex alijs quasi sponte manuera sperantur; at nihil est in paruis reponendum, quod ipsam Religiosæ vitæ radicem, vel partes

quasi vitales petat. De his verò singillatim agere prolixum foret, nec fortasse satis proposito congruens, sed non videtur omittendum quin de non-nullis seu fundamentis, seu vita nostrâ Religiosæ fontibus aliquid quasi in transcursu notem. In secundo operosiùs immorabor, cùm & initio maximè comparandum sit, & illud minùs explicuerim.

C A P V T XII.

De securitate obedientiae.

DE obedientiæ virtute & natura ita multa scribenda forent, & à plurimis descriptra sunt, vt videar mihi de illa meritò tacere posse. Sed quando id institutum aggredieris, cuius partes omnes, munia omnia, conseruatio, & perfectio, vnius obedientiæ vi, apra & coagmentata continet, perspectum tibi esse debet, quanta obedientiæ à te desideretur integritas, qualis, quam perfecta, in quibus, & quousque postuletur. Hoc vero non erit admodum obseruatu difficile, si quæ B. Ignatius de illa præscripsit, quæ descripti & tradidit, attentiùs euoluas.

Interim hoc tibi vnicè commendatum velim, vt credas, in una obedientia, tua salutis æternæ securitatem esse positam. Cuius vt rationes plures omittam, hæc est meo iudicio summissima: quod quicumque obedientiam Dei causa, Dei nutu, voluntate, ac propemodum iussione suscepit, sequitur; sic autem eam sequitur, qui Deo consultore, auctore, duce, Religiosævitæ institutum est amplexus; proculdubio Deum, cuius vicem perfungiatur, cuius personam homo iubens refert, Deum inquam, qui via, veritas & vita est, lequitur. quare aberrare, decipi, emorinon potest, nec potest certior villa esse ad salutem via. Et quantos facit animos, Deum sui operis, orij, negotij, studiorum, laborum instigatorem & impulsorem intueri? quantum præsidij libi diuissione, quasi à Dei voce, vendicat obedientis, diuinæ liberalitatis, copiosa, ijs quos ad opus euocauerit, auxilia largientis conscientius? quantum certa fiducia, cùm agnoscit prouidentissimi Domini sapientiam decere, vt à recto & vili fine numquam exerret, numquam nisi in nostrum commodum cedat, quod diuina voluntatis nutu per Superiorum indicato, suscepimus urgetur? Quod si probè ipse tibi persuaseris, omnem omnino propriæ & ab obedientia non excitata voluntatis motionem exhorresces, pertimesces, & procul aueraberis. vt enim omittam quam in deuia, fallacia, letifica deceptos abducatur, hoc solum quanti terroris est, quod qui sua voluntate in partem aliquam permouetur, diuinam sibi opem certò promittere non potest; qua tamen quicumque destituitur, is omnibus casibus, hostibus, da-

mo-

